

PROGRAMACIÓN ABREVIADA 2º BACH

Non hai libro de texto oficial.

Material complementario na aula virtual e na Internet: ogalego.eu

1 . Temporalización (A secuenciación dos contidos será de acordo co seguinte índice)

Primeira avaliación. Lingua: Repaso xeral de Morfoloxía.(Neste bloque reforzaranse os contidos que non puideron ser adquiridos no curso 20-21). Fonética e Fonoloxía. Variedades xeográficas da lingua galega. Temas 1 e 2 de sociolingüística e temas 1,2,3,4 de literatura. (Índice ABAU)

Segunda avaliación. Lingua: Sintaxe. Temas 4 e 5 de sociolingüística. Temas 5,6,7,8 de literatura

Terceira avaliación. Lingua: Semántica. Temas 6 e 3 de sociolingüística. Temas 9,10,11,12 de literatura.

Non obstante, o profesorado poderá alterar esta orde se o considera conveniente para o mellor desenvolvemento das aulas ou por algunha incidencia que non permita expoñer os contidos no tempo estimado.

2. Plan lector.

Son de lectura obrigatoria tres libros:

1ª avaliación: Un dos libros pertencentes a esta triloxía: Escola de menciñeiros, Os outros feirantes, Xente de aquí e acolá de Álvaro Cunqueiro.

2ª avaliación: O crepúsculo e as formigas, X.L. Méndez Ferrín.

3ª avaliación: O derradeiro libro de Emma Olsen, Berta Dávila (novela ou novela gráfica).

O profesorado entregarlle ao alumnado unha ampla listaxe para poder realizar lecturas optativas.

3. Instrumentos e criterios de avaliación.

Os instrumentos utilizados serán probas orais e escritas e as notas de clase. En cada avaliación haberá dúas probas escritas semellantes ós exames ABAU: unha cos contidos de lingua e outra cos contidos de sociolingüística e literatura de acordo co índice sinalado anteriormente. Asemade, o control do libro de lectura obrigatoria correspondente ó trimestre que se cuantificará até 1 punto. O resto avaliarase con probas semellantes ós exames ABAU. Para aprobar é preciso obter un 5.

Cando o alumnado chegue ao 4,5 nas probas referidas anteriormente poderá mellorar a súa cualificación até un máximo de 2 puntos por avaliación: até 1 punto pola tarefa que lle propoña o profesorado sobre a lectura de libros voluntarios (0,5 por cada libro). E até 1 punto máis polas notas de clase ou a colaboración en proxectos do EDLG. Estas tarefas serán entregadas un mes antes do final de cada avaliación. Estas notas de mellora conservaranse para sumar á cualificación final no caso de que o/alumno/a non aprobe a avaliación correspondente. Este incremento só se aplicará na avaliación ordinaria.

A avaliación é continua. Na terceira avaliación faise a media das notas dos tres trimestres. Se non dá unha media de 5 faranse as recuperacións no exame final do ou dos trimestres suspenso/s. O alumnado que suspenda este exame deberá presentarse ao exame extraordinario de xuño.

No suposto de que o horario se torne non presencial, na súa totalidade, as probas para verificar a superación dos contidos serán realizadas telematicamente, no día e hora acordados co profesorado. No tempo que sexa acordado co anterioridade. Sempre coa cámara acesa e coa caligrafía do alumnado. A posteriori, deben ser enviadas escaneadas a través da aula virtual ou correo electrónico. Tamén se poden realizar test ou outro tipo de probas telemáticas. Así mesmo, teranse en conta a entrega das tarefas semanais e demais traballos, xa pormenorizados nas notas de mellora. Este suposto tamén afecta ó alumnado que estea puntualmente confinado durante o tempo no que estean fixadas datas das distintas probas sinaladas.

Nas probas escritas no que se refire, especificamente, ao aspecto lingüístico (ortografía, morfosintaxe, etc.) establécese que sobre a cualificación global poderase descontar ata un máximo de 2 puntos por erros:

Faltas leves (b/v,h, acentuación non diacrítica, contraccións, puntuación, maiúsculas) descontarán 0,05 puntos

Faltas graves (acentuación diacrítica, solucións alleas ó estándar no nivel léxico, castelanismos, anglicismos) descontarán 0,1 puntos

Faltas moi graves (solucións alleas ó estándar no nivel morfolóxico e sintáctico, por exemplo uso de tempos compostos ou a incorrecta colocación dos pronomes átonos) que descontarán 0,2 puntos cada unha.

Aprobar 2º de bacharelato non supón aprobar a materia pendente de 1o de bacharelato.